

Хӧӧч—депутатин кандидат

Каспийск района „Оленичевский“ совхозин коллектив Хальмг АССР-н Деед Советин депутатин кандидат темдглхин тӧлӓ хург кев.

Эн хургт-тӱрӱн болдж ах зоотехник ӱр Лосев М. А. ӱг авб.

—Депутатин кандидат ах хӧӧч Манджиев Намс Эльзятиевичиг темдглхмн, —гидж келв. — ӱр Манджиев нидн джилин эклцд хӧӧч болдж орла. Хӧӧчврин кӧдлмшин джилӓ аш дигллгън деер, энӱнӓ кӧдлмшнъ цугъарагъаснъ сӓн ӱзмджтӓ болв.

Хӧӧдӓн сӓӓнӓр хӓлӓдж асрснӓ ашд, ӱр Манджиев 100 хӧн болгънас 115 хургъ авад, цуг хургъдан ӓмд-менд жалгълад, 30-д килограмм кӱргдж ӧскӓд, экӓснъ салгъв.

Энӱнӓ хӧбдиннъ чинӓнъ йир сӓн. Эн тоот цугъар ӱр Манджиев ямаран кевӓр даалгъсн кергт оньган ӧгдгинъ ӱзӱлжӓнӓ. ӱр Манджиев республикин ах йоснд орлцдж чадх элч, тегӓд мини селвгиг олн тадн дӧнънтн, —гидж эн ӱгӓн чилӓв.

Дарунъ негдгч фермин ах-лач ӱр Сангаджиев, зоотехник Эрдяева, малин эмч ӱр Кириенко болн нанъ чигн улс босдж, ӱр Лосевиг халунар дӧнънцхӓв.

Тегӓд, коллективин хург ах хӧӧч Манджиев Намс Эльзятиевичиг Хальмг республикин Деед Советин депутатин кандидат сунъгъврин 90-ч номертӓ Михайловск округар нег дуугъар темдглв.